

PU/PS Banovići - Rad policije u zajednici

15.11.2019 09:30

U okviru implementacije projekta "Rad policije u zajednici", te u cilju nastavka dobre saradnje sa Crvenim križom općine Banovići, dana 13.11.2019 godine policijski službenici su, uzeli učešće u realizaciji općinskog takmičenja pod nazivom „Misli mine“, održanom u prostorijama Osnovne škole Banovići Selo. Na navedenom takmičenju učešće su uzele ekipe svih osnovnih škola sa područja općine, a učenicima su ovom prilikom uručene diplome i prigodni pokloni. Pobjednik takmičenja, ekipa OŠ Banovići Selo, u narednom periodu učestvovat će na Kantonalnom takmičenju iz navedene oblasti.



Dana 14.11.2019.godine, u cilju nastavka dobre saradnje sa osnovnim školama na području općine Banovići, u prostorijama PS Banovići upriličena je posjeta učenika Osnovne škole Banovići Selo. Tokom posjete učenici su upoznati sa ulogom policije u društvu i poslovima koje obavlja policija u lokalnoj zajednici, te je održano edukativno predavanje na temu "Djeca kao učesnici u saobraćaju". Navedenoj posjeti i edukaciji prisustvovalo je 150 učenika.



Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>